



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիդյան

« 17 » 07 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0130 - 23

Ձեռնարկողը՝

Քաղաքացի Կարեն Կարապետյան

ք. Երևան, Դավիթբաշեն 1-ին թղմ. 26, բն 45

Գործունեությունը՝ Դիլիջան քաղաքի Մուղովական փողոց 7/2 հասցեում
բնակելի համալիրի կառուցման աշխատանքների շրջակա
միջավայրի վրա ազդեցության նախնական գնահատման
հայտ

Տավուշի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝

Խաչիկ Մարտիրոսյան

Առդիր՝ եզրակացությունը 7 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ
ԲՓ № 0130-23

<17> հուլիսի 2023թ.

**Տավուշի մարզի Դիլիջան քաղաքի Մոլդովական փողոց 7/2 հասցեում
բնակելի համալիրի կառուցման աշխատանքների շրջակա միջավայրի վրա
ազդեցության նախնական գնահատման հայտ**

Ձեռնարկող՝

Փաստաթղթի տեսակը՝

Գործունեությունը՝

Տեղադրման վայրը՝

Կարեն Կարապյոզյան

Շրջակա միջավայրի վրա ազդեցության
նախնական գնահատման հայտ

«Գ» կատեգորիա

Դիլիջան համայնք, ք. Դիլիջան

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 7)-րդ կետի ա. ենթակետի՝ վերը նշված նախատեսվող գործունեությունը որպես քաղաքաշինության բնագավառի գործունեության տեսակ դասակարգվում է «Գ» կատեգորիայի:

Ներածական մաս. Կառուցապատող Կարեն Կարապյոզյանի կողմից նախատեսվող բնակելի համալիրի կառուցապատման տարածքը գտնվում է Տավուշի մարզի Դիլիջան քաղաքի Մոլդովական փողոց թիվ 7/2 հասցեում: Հողամասի նպատակային նշանակությունը բնակավայրերի է, գործառնական նշանակությունը՝ բնակելի կառուցապատման: Հողամասը սեփականության իրավունքով պատկանում է կառուցապատող Կարեն Կարապյոզյանին, զբաղեցնում է 0.94429հա մակերես (վկ. թիվ 29072022-11-0026. ծածկագիր՝ 11-003-0093-0187) գտնվում է բազմաբնակարան բնակելի շենքերով կառուցապատված տարածքներում, բնակելի և հասարակական շենք-շինությունների հարևանությամբ: Կառուցապատվող տարածքում առկա է կիսակառույց բազմաբնակարան շենք, որի ավարտվածության աստիճանը կազմում է 50 տոկոս: Տարածքի արևմտյան մասով անցնում է Երևան-Իջևան մայրուղային ծանապարհը:

Կառուցապատվող տեղամասը չի առնչվում Դիլիջան ազգային պարկի, պատմամշակութային տարածքների և դրանց պահպանական գոտիների հետ («Դիլիջան» ազգային պարկից գտնվում է 455 մ հեռավորության վրա/ արևելք ուղղությամբ): Շինարարական աշխատանքներին խոչնդոտող հատման ենթակա ծառափուտային բուսականությունը բացակայում է:

Տարածքը գտնվում է ծովի մակարդակից 1300մ բարձրության վրա: Ռելիեֆը լեռնային - բլրային է՝ ընդհանուր թեքությամբ դեպի հարավ: Հիդրոերկրաբանական տեսակետից ջրատար հորիզոնները տարածքի նստվածքային և հրաբխային-ապարներում բացակայում են: Աղստև գետը և Բլդան վտակը կառուցապատվող տարածքից գտնվում է 470-500 մ հեռավորությունների վրա: Շենքերի




սեյսմազինվածության մակարդակը նախատեսված սեյսմիկ - III սեյսմիկգոտու համար (9 Բալ և ավելի):

Նկարագրական մաս. Համաձայն էսքիզային նախագծի և Դիլիջան համայնքի ղեկավարի կողմից տրված ճարտարապետահատակագծային առաջադրանքի՝ Կարեն Կարագյոզյանին սեփականության իրավունքով պատկանող 9449,2 մ² մակերեսով հողամասում կառուցվող բնակելի համալիրը՝ գոյություն ունեցող բնակելի տներից բացի կներառի 15+2 կցաշար բնակելի տներ, ավարտին հասցնելով նաև գոյություն ունեցող կիսանկուղային հարկով երեք հարկանի պանելային կիսակառույց բազմաբնակարան բնակելի շենքը՝ վերջինիս ավելացնելով մեկ հարկ և մանսարդային հարկ (1+1): Նոր կառուցվող բնակելի համալիրը կունենա համակցված տիպի 17 բնակելի տներ (15+2), որոնցից 15-ը կլինեն միատիպ և 2-ը՝ միատիպ: Նախատեսվում է ունենալ նաև ավտոկայանատեղի, խաղահրապարակ, հանգստի գոտի, մարզահրապարակ, կրակարան, ճանապարհներ և բարեկարգման տարրեր: Ընդհանուր բակը բարեկարգվելու է կանաչապատ գոտիով, մայթերով, ճանապարհով, խաղահրապարակով:

Տանիքները լինելու են լանջավոր: Ջրահեռացումը բակից իրականացվում է անմիջապես տարածքի հարևանությամբ, անցնող ջրահեռացման ցանցով: Հողամասն ապահովված է ինժեներական ենթակառուցվածքներով (ջրատար, գազատար, կոյուղատար, էլեկտրահաղորդման գիծ): Կառուցապատողը հանդիսանում է բաժանորդ, բնակելի համալիրի արտաքին ինժեներական ցանցերը միանալու են տարածքում գոյություն ունեցող քաղաքային ցանցերին՝ ծառայությունները մատուցող կազմակերպությունների տրանսդրած պայմանագրերի համաձայն: Բոլոր հարկերի ընդհանուր օգտագործման տարածքներում նախատեսվում է հակահրդեհային ջրագիծ: Ջեռուցումը և տաք ջրամատակարարումը բնակարաններում և տարածքներում իրականացվելու է անհատական կաթսաների միջոցով, գազամատակարարման համար տեղադրվելու է գազամատակարարման բաշխիչ-վահանակ: Բոլոր մասնաշենքերի գազամատակարարման խողովակներն անցնում են ստորգետնյա հատվածով, շենքի մոտ բարձրանալով մտնում են սանդղավանդակին կից պատշգամբ, որտեղ ամեն հարկում տեղադրված են գազի հաշվիչները բնակարանների համար: Համալիրում նախատեսվում է իրականացնել անհատական օդափոխման և ջեռուցման համակարգ, որոնց արտաքին բլոկները նախատեսվում է քողարկել հատուկ դրանց համար նախատեսված խորշերում և համապատասխան ձայնամեկուսիչ նյութերի օգտագործմամբ:

Կառույցում նախատեսված է նաև հաշմանդամ և բնակչության սակավաշարժ խմբերի համար տեղաշարժվելու անհրաժեշտ պայմաններ:

Բնակելի համալիրը կառուցման շինարարական և ճարտարապետական լուծումներում հաշվի է առնվել էներգախնայողության և էներգաարդյունավետության օրենսդրական պահանջների ապահովումը՝ նախատեսելով ջերմամեկուսացման տեխնիկական լուծումներ: Շենքերի արտաքին պատերը իրականացվում են փրփրապոլիստիրոլային ջերմամեկուսիչ սալերով՝ ճամ հաստությամբ: Բոլոր պատերը արտաքինից կջերմամեկուսացվեն և կերեսպատվեն բազալտե և տրավերտինե սալերով: Էներգախնայողության նպատակով նախատեսվող միջոցառումներից կարևորվում են նաև բարձր էներգաարդյունավետությամբ պատուհանների և վիտրաժների, երեսպատման համակարգի նախատեսումը, տանիքի և ստորգետնյա հարկի ջերմամեկուսացումը և ջերմամեկուսիչների օգտագործումը, բնակելի համալիրի տարածքում կենցաղային աղբի հավաքման համար նախատեսվում են տեղադրել աղբամաններ, որոնց տեղադրման վայրերը կհամաձայնեցվեն Դիլիջանի համայնքապետարանի հետ:




- Բնակելի համալիրի տեխնիկատնտեսական ցուցանիշները հետևյալն են.
- Կառուցապատվող հողամասի մակերես՝ 9449,2 մ²
 - Կանաչապատման մակերես՝ 4543,6 մ² /48,1%
 - Գոյություն ունեցող կցաշար տների կառուցապատման մակերես «Ա» 609,76 մ²
 - Գոյություն ունեցող բազմաբնակարան շենքի կառուցապատման մակերես 428,47մ²
 - Նոր նախագծվող կցաշար տների կառուցապատման մակերես «Բ» 899,4 մ²
 - Նոր նախագծվող կցաշար տների կառուցապատման մակերես «Ա» 76.68 մ²
 - Կառուցապատման ընդհանուր մակերես 2014,31 մ² /21,3%
 - Անջրանցիկ մակերեսներ (ճանապարհ, մայթ, սալվածք) 2891, 29մ² /30,6%
 - Բազմաբնակարան շենքի բնակարանների քանակը՝ 23 հատ
 - Ավտոկայանատեղիների քանակը՝ 52 հատ
 - Գոյություն ունեցող կցաշար բնակելի տների քանակը տիպ «Ա»՝ 16
 - Նոր կառուցվող կցաշար բնակելի տների քանակը՝ տիպ «Բ» 15
 - Նոր կառուցվող կցաշար բնակելի տների քանակը՝ տիպ «Ա» 2:

Հողամասում կցաշար տների և բազմաբնակարան շենքի կառույցների ճարտարապետական լուծումները, շենքի արտաքին հարդարման և ձևավորման նյութերի տեսակները համահունչ են լինելու տարածքում գոյություն ունեցող կառուցապատմանը: Շինարարական աշխատանքների ավարտից հետո նախատեսվում է տարածքը կանաչապատել և բարեկարգել: Կանաչապատվող տարածքների ոռոգումն իրականացվելու է տարածքի համար նախագծվող ոռոգման ցանցի միջոցով: Նախագծված ոռոգման ցանցը՝ 200 մ երկարությամբ կմիանա տարածքի հարևանությամբ անցնող ոռոգման համակարգին՝ կնքվելիք պայմանագրին համաձայն:

Շինարարական աշխատանքների ժամանակ կառուցապատվող տարածքում հողային աշխատանքներից կառաջանա 2700 խմ հանույթ, որից 1700խմ քանակը կօգտագործվի հետլիցքի համար, իսկ մնացորդային՝ 1000խմ զանգվածը կօգտագործվի շրջակա տարածքների բարեկարգման համար: Շինարարական աշխատանքների ժամանակ հողային աշխատանքներից կառաջանա մոտ 900խմ ծավալով բուսահող (տարածքում վերջինիս հզորությունը միջինը կազմում է 20 սմ), ինչն օրենսդրական պահանջներին համապատասխան հատուկ միջոցառումներով կպահպանվի և կառուցապատման աշխատանքների ավարտից հետո կօգտագործվի կանաչապատման աշխատանքներն իրականացնելու համար:

Շինարարական աշխատանքները սկսելու համար նախապատրաստական և նախաշինարարական փուլում նախատեսվում է կազմակերպել շինհրապարակ՝ ցանկապատով և այլ անհրաժեշտ ենթակառուցվածքով: Շինարարական մեքենաների տեխնիկական սպասարկումը, վերանորոգումը, վառելիքի լիցքավորումը և յուղումը կիրականացվի շինհրապարակից դուրս մասնագիտացված կետերում և լցակայաններում: Բետոնի և շաղախի առաքումն իրականացվելու է մոտակա բետոնաշաղախային հանգույցներից՝ պատրաստի վիճակում, մասնագիտացված տրանսպորտային միջոցներով: Տարածքից մակերևութային ջրերը կհեռացվեն կազմակերպված եղանակով՝ հեղեղատար կոյուղու համակարգի միջոցով: Անձրևաջրերը հեռացվելով տարածքից կմիանան տարածքի հարևանությամբ անցնող՝ Մ 500 մմ հեղեղատար ցանցին:

Շինարարությունը իրականացնող անձնակազմը օգտվելու է ժամկետային տնակներից: Շինարարական աշխատանքների ընթացքում ջուրը



օգտագործվելու է շինհրապարակի ջրցանման, հանված հողային զանգվածի խոնավացման, ինչպես նաև կապալառուի աշխատակազմի կենցաղային կարիքները հոգալու նպատակով: Ընդհանուր ջրօգտագործումը շին.ժամանակահատվածի համար հաշվարկվել է 624խմ/, որից շինհրապարակի ջրցանի ջրածախսը կկազմի 450 խմ/շին.ժամ/: Շինարարական աշխատանքների համար անհրաժեշտ ջրօգտագործումը կապահովվի տարածքում առկա ջրազծից: Աշխատողների կոմունալ կենցաղային պայմանները կապահովվեն շինհրապարակում տեղադրվող բիոզուգարաններով, ինչը կսպասարկվի մատակարարող ընկերության կողմից:

Շինհրապարակում կեղտաջրերի առաջացման համար կպահվի տարողություն, որտեղ կեղտաջրերի (բետոնաջրեր և այլն) հետերոգեն զանգվածի նստեցումից հետո, նստվածքը շին աղբի հետ կհեռացվի աղբավայր, իսկ պարզված ջուրը կօգտագործվի ջրցանման նպատակով կամ շինարարական այլ աշխատանքներում: Շինհրապարակում նախատեսված է անվադողների լվացման կետ, որտեղ անվադողերը լվացվելուց հետո դուրս կգան շինհրապարակից:

Բնակելի համալիրի կառուցապատման աշխատանքների ընթացքում շրջակա միջավայրի վրա ազդեցությունները և ռիսկերը հիմնականում պայմանավորված կլինեն շինարարական տեխնիկայի շահագործմամբ, բետոնային աշխատանքներով և կուղեկցվեն շինարարության ընթացքում անօրգանական փոշու և ծխազագերի ժամանակավոր արտանետումներով, որոնք կարող են առաջանալ տեխնիկական միջոցների աշխատանքից՝ դիզվառելիքի այրման արդյունքում: Շինարարական աշխատանքների ընթացքում հնարավոր ազդեցությունները կանխարգելելու նպատակով հայտում Հայտում ներկայացվել է բնապահպանական միջոցառումների ծրագիր: Մասնավորապես՝ մթնոլորտային օդի պահպանության նպատակով նախատեսված է՝

- շինարարության ընթացքում պարբերաբար ջրցանի իրականացում (օրական 2-3 անգամ),

- շինարարական նյութերի (ավազ, խիճ, հողային զանգված և այլն) տեղափոխում փակ ծածկով մեքենաներով,


- շինհրապարակում սորուն նյութերի պահեստների ծածկում՝ փոշու տարածումը կանխարգելելու նպատակով,

- շինարարական աշխատանքների ժամանակ շինությունների ծածկում՝ փոշու տարածումը կանխող ցանցով,

- շինարարական տեխնիկայի և փոխադրամիջոցների տեխնիկական վիճակի ստուգում՝ իրականացնելով կարգավորում:

Շինարարության ընթացքում հարակից տարածքների համար աղմուկի հնարավոր ազդեցությունը նվազեցնելու նպատակով նախատեսված միջոցառումները ներառում են՝ շինարարական աշխատանքների և տրանսպորտային երթևեկության կազմակերպում սահմանված ժամերին, աղմուկ առաջացնող մեքենաների և սարքավորումների օգտագործումից խուսափում, խլացուցիչների տեղադրում, տեխնիկական միջոցների պարբերաբար ստուգում և կարգաբերման իրականացում:

Հայտում ներկայացվել են նաև շինարարության ընթացքում տարբեր տեսակի թափոնների կառավարմանն ուղղված միջոցառումներ: Հողային ռեսուրսների և շրջակա տարածքների պահպանության նպատակով քայլուղների և հեղուկ վառելիքի տարաները շինհրապարակում կպահվեն հատուկ հիմքերի վրա (ավազ, ցեմենտ) և կառավարվեն:



մետաղական կամ բետոնե), բացառելու նպատակով հնարավոր արտահոսքերը շրջակա տարածքներ: Նավթանյութերի արտահոսքը հնարավոր կլինի կանխել՝ շինարարական աշխատանքներում սարքավորումների և մեքենաների պատշաճ տեխնիկական վիճակն ապահովելով պարագայում:


Բնակելի համալիրի կառուցման շինարարական աշխատանքների ընթացքում կառաջանա շինարարական աղբ և կենցաղային թափոններ: Շինարարական աշխատանքների ընթացքում առաջացող 1000իսմ ծավալով մնացորդային գրունտային զանգվածը կօգտագործվի շրջակա տարածքների բարեկարգման համար, իսկ տարբեր տեսակի շինարարական թափոնները (ընդհանուր 500իսմ ծավալով) կտեղադրվեն Դիլիջանի համայնքապետարանի կողմից տրամադրված տարածք՝ գործող թափոնների աղբավայր: Կենցաղային աղբը կհավաքվի այդ նպատակի համար նախատեսված աղբամաններում և կանոնավոր կերպով կհեռացվի շինարարական հրապարակից:

Թափոնների կառավարման և շրջակա տարածքները աղտոտումից զերծ պահելու նպատակով նախատեսվում է՝

- շինհրապարակում բացառել թափոնների ժամանակավոր կուտակումները,
- թափոնները ժամանակին տեղափոխել հատկացված վայրեր՝ համայնքի ղեկավարի հետ նախապես կնքված պայմանագրերի համաձայն,
- շինարարական տեխնիկայի և ավտոտրանսպորտի բոլոր սպասարկման աշխատանքները, քայլուղերով և վառելիքով լիցքավորումը կիրկանացվի մասնագիտացված կայաններում,
- շինանյութերի ձեռք բերում միայն լիցենզավորված մատակարարներից, բացառել բետոնի պատրաստումը շինհրապարակում,
- վտանգավոր թափոնների հանձնում ընկերությունների, որոնք ունեն վտանգավոր նյութերի վնասազերծման կամ տեղակայման արտոնագիր:

Շինարարական աշխատանքների ավարտից հետո նախատեսվում է բնակելի համալիրի տարածքը կանաչապատել և բարեկարգել: Նախագծի հատատումից հետո տարածքի համար կմշակվի կանաչապատման նախագիծ, որը կհաստատվի Դիլիջանի համայնքապետարանի հետ: Կանաչապատման մակերեսը կկազմի տարածքի 50 %-ը, ներառյալ բնական լանդշաֆտի կանաչապատման տարրերը, հիմք ընդունելով նախագծման թույլտվության կանաչապատման պահանջը: Կանաչապատումը կիրկանացվի տվյալ լանդշաֆտին բնորոշ ծառատեսակներով: Կանաչապատման համար նախատեսված՝ 4543,6մ² մակերեսում կտնկվի մոտ 39 հատ ծառատեսակներ և թփեր (վարդ, սամշիտ), ինչը տարածքի համար կծառայի որպես ցանկապատ: Կառուցապատումից ազատ մակերեսում կստեղծվի սիզամարգ, սիզամարգի սալարկ և ծաղկանոց՝ ծաղկասածիլներով: Ամբողջ տարածքի համար կպահանջվի 200 կգ սիզամարգի սերմ: Կանաչապատման համար կօգտագործվի շինարարական աշխատանքների ժամանակ պահեստավորված՝ 900իսմ ծավալով բուսահողը: Տվյալ լանդշաֆտում ծառերի կաչողականությունն ապահովվելու է պարտադիր ոռոգման և խնամքի պայմաններում, որի իրականացման պատասխանատուն հանդիսանում է կառուցապատողը:

Շինարարության փուլի համար նախատեսված բոլոր բնապահպանական միջոցառումները, ներառյալ՝ աշխատանքի և առողջության ամփոփման պահովմանն ուղղված միջոցառումները ամփոփվել են բնապահպանական



կառավարման պլանում (ԲԿՊ): Կառուցապատողի կողմից ըստ ժամանակացույցի իրականացվելու է կանոնավոր մոնիտորինգ՝ բնապահպանական միջոցառումներ ծրագրում նախանշված մեղմացնող միջոցառումների կատարումը վերահսկելու նպատակով: Բնապահպանական միջոցառումների իրականացման համար նախատեսված ծախսերը ամբողջ շինարարության փուլի համար հաշվարկվել է 38644.2 ՀՀ դրամ, որի մեջ մտնում են՝ շինարարության փուլում շինհրապարակի ջրցանումը, ինչպես նաև մթնոլորտային արտանետումների, աղմուկի, թրթռումների, հողային ծածկույթի չափումները, որոնք նախատեսված են ամիսը մեկ հաճախականությամբ:

Պարձառաքանական մաս. Փորձաքննական գործընթացում Հայտի վերաբերյալ ստացված առաջարկություններով և դիտողություններով Հայտը լրամշակվել է: Նախնական գնահատման և փորձաքննության փուլերում ՀՀ օրենսդրությամբ սահմանված կարգով Դիլիջան քաղաքում անցկացվել են հանրային քննարկումներ: Փորձաքննության գործընթացում իրականացված երկրորդ հանրային քննարկման ընթացքում նախատեսվող գործունեության իրականացումը մասնակիցների կողմից արժանացել է հավանության: Քննարկման ընթացքում հարց է բարձրացվել կառուցապատվող տարածքում կանաչապատման լուծումների և կանաչապատման նախագծի վերաբերյալ:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր բնույթ և կլինեն տեղայնացված՝ ընդգրկելով հիմնականում նախատեսվող գործունեության տեղամասը և շինարարության ժամանակահատվածը: Դրանք շինարարության ընթացքում կարող են բացառվել կամ մեղմացվել Հայտի բնապահպանական միջոցառումներ ծրագրում նախանշված մեղմացնող միջոցառումների և Մոնիթորինգի պլանում ամփոփված միջոցառումների և գործողություններ արդյունավետ իրականացմամբ:

Փորձաքննական պահանջներ

1. Շինարարական աշխատանքները կազմակերպելիս անհրաժեշտ է առաջնորդվել՝ ՀՀՇՆ I-3. 01. 01-2008 «Շինարարական արտադրության կազմակերպման աշխատանքների կատարում» շինարարական նորմերը հաստատելու մասի քաղաքաշինության նախարարի 2008թ. հունվարի 14-ի թիվ 11-Ն հրամանով հաստատված նորմերով և պահանջներով:

2. Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմինին»:

3. Շինարարության ընթացքում որպես պարտադիր պահանջ անհրաժեշտ է՝
- պարսպապատել շինարարական հրապարակը,



- շինությունները ծածկել համապատասխան բարձրությամբ փոշու տարածումը կանխող ցանցով,

- լվանալ շինհրապարակից դուրս եկող մեքենաների անվադողերը,

- բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

4. 3. Հողի բերրի շերտի հեռացման և պահպանման հետ կապված միջոցառումներն անհրաժեշտ է իրականացնել ՀՀ Կառավարության 02.11.2017 թվականի թիվ 1404-Ն և 08.09.2011 թվականի թիվ 1396-Ն որոշումների պահանջներին համապատասխան:

5. Տարածքի կանաչապատման աշխատանքներն իրականացնել Դիլիջանի համայնքապետարանի կողմից հաստատված կանաչապատման նախագծին համապատասխան՝ կանաչապատման համար օգտագործելով Դիլիջան քաղաքի կլիմայական և էկոլոգիական պայմաններին հարմարված դեկորատիվ ծառատեսակներ:

6. Շինարարական աշխատանքների ընթացքում առաջացող տարբեր տեսակի թափոնների հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Դիլիջանի համայնքապետարանի հետ համաձայնեցված:

4. Կառուցապատման աշխատանքներում անհրաժեշտ է հաշվի առնել շենքերի և շինությունների էներգախնայողության և էներգաարդյունավետության լուծումները՝ համաձայն ՀՀ Կառավարության 12.04.2018թ-ի №426-Ն որոշմամբ սահմանված տեխնիկական պահանջները:

5. Շինարարության ընթացքում պահպանել բնապահպանական կառավարման և մոնիթորինգի (մշտադիտարկումներ) կառավարման պլաններում նախատեսված միջոցառումների իրականացումը և ժամանակացույցերը:

ԵԶՐԱՓԱԿԻՉ ՄԱՍ

Կարեն Կարապյոզյանի կողմից ներկայացված Տավուշի մարզի Դիլիջան քաղաքի Մոլդովական փողոց 7/2 հասցեում բնակելի համալիրի կառուցման աշխատանքների շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության

փորձաքննական կենտրոն» ՊՈԱԿ-ի գլխ. մասնագետ  Հերիքնազ Մկրտչյան

